

# ҚЫСҚЫ мектеп мазмұнды өтті

Әл-Фараби атындағы Қазақ ұлттық университеті мен Ыстамбұл университеті арасында жасалған меморандум аясында Шығыстану факультеті ТҮРКСОЙ кафедрасының ұйымдастыруымен Ыстамбұл университеті Түркітану ғылыми-зерттеу институтының докторанттары мен магистранттарына «Қазақстан мен Түркия Республикаларының дипломатиялық қарым-қатынастарына – 30 жыл» тақырыбында онлайн форматта қысқы мектеп шарасы өтті.

Қысқы мектепте түркиялық білімгерлерге Қазақстан мен Түркияның дипломатиялық байланысының 30 жылдық тарихындағы саяси-дипломатиялық қатынастары мен білім, ғылым, экономика және мәдениет салаларындағы жетістіктеріне талдау жасалды. Сондай-ақ қазақ және түрік халықтарының ортақ мәдени-рухани құндылықтарын зерделеу, Қазақстандағы түрік тілі мен әдебиетін оқыту мәселелерін тереңірек таныстыру кезделді.

Түбі бір бауырлас екі ел арасындағы қарым-қатынастың тамыры тереңде жатқаны және еліміздің тәуелсіздігін мойындаған алғашқы мемлекет Түркия Республикасы болғаны баршамызға мәлім. Қазақстан мен Түркия арасындағы қарым-қатынастың бірегейлігі ең алдымен саяси, сауда-экономикалық және гуманитарлық ынтымақтастықты ерекше белсенді дамытуға негізделді. Бір-бірімен аралас-құраластықты жоғалтқан Қазақстан мен Түркия халықтары ХХ ғасырдың соңында үзілген қатынасты қалпына келтіруге, ынтымақтастықтың барлық деңгейінде жан-жақты байланыс орнатуға мүмкіндік алды.



Этно-мәдени жақындыққа және практикалық мүдделерге сүйене отырып, Қазақстан өтпелі кезеңнің бірінші кезеңінде түрік даму моделіне назар аударды. Түркия өз кезегінде тәуелсіз Қазақстанды халықаралық аренадағы әлеуеті аса маңызды өңірлік серіктесі ретінде қарастырды. 1992 жылы негізі қаланған дипломатиялық қатынас негізінде екі ел арасында ғылым, білім, сауда, әскери, экономикалық және мәдени салаларда екіжақты байланыстар орнатылып, бүгінде бауырлас елдер бір-бірінің стратегиялық мүмкіндіктерін тиімді пайдаланып отыр.

Магистранттар мен докторанттарға арналған бұл іс-шара осыған дейін жалғасып келе жатқан Қазақстан-Түркия арасындағы білім және ғылым кеңістігіндегі ортақ ғылыми-зерттеу жұмыстарының жалғасы болып саналады. Қысқы мектепке тыңдаушы ретінде 20-дан астам түркиялық докторант пен магистрант қатысты. Дәрістер өзекті тақырыптар бойынша PhD, аға оқытушы Ильяс Нұраттың модератор болуымен түрік және қазақ тілдерінде өтті.

Шығыстану факультеті ТҮРКСОЙ кафедрасының оқытушы-профессор құрамы, атап айтқанда, т.ғ.к., қауымдастырылған профессор Мырзахан Егембердиев «Қазақстан және түркі әлемі», магистр, аға оқытушы Күлжан Бекенқызы «Қазақстан мен Түркия дипломатиялық қарым-қатынастары: тарихы, бүгінгі және ке-

лешегі», PhD, аға оқытушы Еркінай Оңғарова «Қазақстанның сыртқы саясатындағы Түркия», PhD, аға оқытушы Ильяс Нұрат «Шығыс Түркістан мәселесі және түркі әлемі», магистр Ескер Молдабек «Түркия мен Қазақстанның білім саласындағы ынтымақтастығы», PhD докторы, доцент м.а. Ержан Қуанышбаев «Қазақ әліппесінің латынға өтудегі маңызы», аға оқытушы, магистр Гүлзада Теменова «Қазақстанда түрік тілін оқыту мәселесі», аға оқытушы, магистр Айым Назарова «Түрік тілі грамматикасын оқыту әдістері», аға оқытушы, магистр Жеңісбек Абелдаев «Қазақстанда түрік әдебиетін оқыту әдістемесі», сондай-ақ «Қазақ және түрік фразеологизмдеріндегі түр-түс атаулары» тақырыптарында дәріс оқылды.

Қысқы мектеп тыңдаушылары мен дәріскерлеріне сертификат табысталды. Тыңдаушылар қысқы мектептің мазмұнды өткенін, өте маңызды ақпараттар алғанын, курсқа қызығушылық танытып жатқан білімгерлердің көп екенін тілге тиек етті. Сондай-ақ қысқы мектеп жалғасын тапса деген ізгі тілектерін айтып, Түркияның әлеуметтік желілерінде аталған іс-шара жайында жазбаларымен бөлісті.

**Алтыншаш ҚҰРМАНӘЛІ,**  
PhD, қауымдастырылған профессор

**Күлжан ЖАНАТАЕВА,**  
аға оқытушы

ҚР Президенті Қасым-Жомарт Тоқаев жариялаған демократиялық реформалар шеңберінде ғылыми әлеуетті дамыту, ғылыми кадр-

## Заң академиясының академигі атанды